

白虎

白虎青蛟莫論丹鑪鉛鼎休詳絳闕瓊林溟滓金壺碧酒馨香

日月

日月東西出沒乾坤昇降渾淪真宰默存厚薄浮生分外貪嗔

形數

不苟不貪不愛無情無喜無憂此世此形此數宜愚宜拙宜休

月輪

亭亭月轉冰輪萬籟消沉莫聞人影不須零亂杳然徑徹無垠

輪轉

輪轉多生浩劫貪圖百計千方八識七情戲弄四生六道承當

道藏輯要

雲山集

圭

歸集六

坐人

月透簾籠虛白風生几簟清涼坐久凝然無際不知身世何鄉

真偽

色裏膠青混合水中鹹味顛頂真偽欲生分別舉頭不見長安

靈明

靜盡纖塵不立杳冥三界彌羅物我不知所在靈明透入無何

行止

時止時行莫逆滿坑滿谷同塵非物非凡非聖能神能鬼能人

見在

見在何堪住著未來不可思惟點檢目前自己起心已間雲泥